

# رباعیات محمد حسان



عنوان الكتاب : رباعيات محمد حسان

اسم المؤلف : محمد حسان

المراجعة اللغوية : دار الفراعنة للنشر

الإخراج الداخلى والغلاف : إكرام عيد

رقم الإيداع : ٢٠١٩/٧١٠٦

الترقيم الدولى : ١-٢٠-٦٦٦٨-٩٧٧-٩٧٨

محمول : ٠١٠٠٦١٤١٦٤٥

٠٢٣٩٧٦٩١٧٦ / ٠١٢٢٤٨٢٩٥٩١

رئيس مجلس الإدارة : إكرام عيد

المدير العام : د. أحمد عزت

المدير التنفيذى : عزة إبراهيم

## جميع الحقوق محفوظة للناشر

يمنع نسخ أو استعمال أى جزء من هذا الكتاب ، بأية وسيلة  
تصويرية أو الكترونية أو ميكانيكية بما فيه التسجيل الفوتوغرافى  
والتسجيل على أجهزة أو أقراص مقروءة أو أية وسيلة نشر  
أخرى ، بما فيها حفظ المعلومات واسترجاعها من دون إذن خطى  
من الناشر

ان الآراء الواردة فى هذا الكتاب لا تعبر بالضرورة عن رأى دار الفراعنة للنشر والتوزيع

ديوان

رباعيات محمد حسان

( الغوص في أعماق الواقع )

للشاعر

محمد حسان





يادنيا مالك معاندة  
امتى هتبلى ريقنا  
تعبت قلوبنا المناهدة  
ماعدشى باين طريقنا  
عشان بنعامل ضميرنا  
فى شبر ميه غرقنا

لمى الغسيل يام اسماعيل

الشمس بردانه

صحى النهار الليل طويل

نجومه دفيانة

مسك النهار وسط القمر عصروا

قلب ربيعہ خريف زهورة دبلانة

لما تشوف الناس بتعانى

وتدفن راسك تبقى أنانى

إوعى تصدق كذب كلامهم

لما يقولوا الغلا ربانى

اللی بنی مصر کان حلاق ومذین

اسطی بریموا وراجل شهم وحنین

وشه بیضحک وقلبه باکی حزین

سانن مقصه واجازته یوم الاتنین



فى العشر الاواخر الفرصه ماتسبهاش

تبت فى باب رحمته من عدله ماينساش

نفحات فى آخر الشهر وفوز بليلة القدر

قاوم هواك بالصبر الجنه مش ببلاش

العید ماجاش عندکم اصله مجاش عندی

لمحته ماشی بعید شاورت له یهدی

مالك یاعید مهموم امسح دمو عك قوم

الحال ده مش هیدوم دی غمة وتعدی

طول عمرى بلف وادور على الفاضى

انا اللى خلاص فرغ صبرى لكن راضى

سنين عمرى عدتها على صباعى

ودايما باطلب التأجيل واسيب الحكم للقاضى

انا عاشق تراب ارضك

يامعلمانى اقول الصبر ف الماويل

حلفت انى اصون عرضك

ماكنتش اعرف انى فى حبك هقاسى الويل

فتح عينك صحصح فوق

هاتلى قصيدة م المجزوء

شوفت بعيلة كاتب تفعيلة

خلى عكار البحر يروق

فى بحر الوافر شوفتة مسافر

انا عارفة مشاكس ومعافر

قولت اخمن قاللى اظمن

وظبطلى التشكيل من فوق

ياعم بعيلة بلاها تفعيلة وقلب دماغ

روق اصحى وبلاش فصحى

ما عادت تسوى قرشين صاغ

اسمع منى غصبن عنى

و ما تسالشي عن الاسباب

حط الفاعل بدل المفعول

وشيل الفعل من الاعراب

يام الشهيد زغرتى وعلقى الزينه

وفرقي شربات ابنك فى وسطينا

شايف ملايكة معاه هايم فى ملك الله

خلانا ننسى الاله حتى فى غناوينا



الجنة تندهنا مين عليه الدور  
بتزف شهدائنا على بنات الحور  
وملايكة واقفة لنا بالمسك والحنه  
يا خاين العيش انت مش منا

اوعی یامصر تبکی احنا ویاکی

حالفین نضحی بسنین عمرنا فداکی

ایاکی تنسی دم سال علی ارضک ایاکی

ولو لازم یابلدنا تبکی ابکی احنا اهو معاکی

سلام عليك عليك السلام

سلاما نبينا ياخير الانام

ياخاتم رسالتك بخير الكلام

نبينا محمد ياماحي الظلام

رسول الهداية ومسك الختام

هيجى يوم وهنسيبها

وبكرة نسلّم المفتاح

وننسى كل ما فاتينها

وماضى عمر ولا وراح

لا جاه ولا صيت هينفعنا

مابقى الا اعمالنا

ولا حتى جيوب لا كفانا

ندارى فيها اموالنا

الدنيا فانية ياخوانا

لازم كلنا نفهم

تملى نحسب الكلمة

قبل ما بيها نتكلم

دى زله م اللسان ممكن

تاخذ بايدينا لجهنم

یاست الكل انا اسف على سكوتى

بیصرخ حزنى جوایا وراح صوتى

سنين العمر بتعدى ما بتهدى

وحاسس حبی انا لیکی هیكون سبب موتى

ياست الكل انا اسف على الخزلان

جنون الياس خلانى شريد حيران

ياست الكل كان نفسى اكون انسان

احس بحضنك الدافى

واعيش فى امان

تعظیم سلام للی رجع ارضنا تانی

صحيح الارض زی العرض

جذورھا ساکنه وجدانی

صبح الانتماء باین علینا

واحننا لسه صغار

صبح اسود علی الجاهل



فى قلبه غل باسمرار

ناديتى الكل لبي الامر

فداكى نضحى لو بالعمر

ياجنه للمخلصين باقية

والخائنين تكون القبر

احنا بتوع القوة الناعمة

بيها ندوب كل جليد

نجلى قلوب وعقول مش فاهمة

بس ياريت نصايحنا تفيد

لو مش عارف حتی تعیشها

امسك تبت فی امل فیها

ارمی همومك من ورا ضهرک

يمكن يوم تفهم معانيها

رقيتك رقوة شرعية وبخرتك من الحاسدين

دعتك وقت فجرية ويشهد الزيتون والتين

ياست الكل يابهيّة يازهرة ياوردة بريه

مهما كتروا حسادك محفوظة ليوم الدين

انا بعزیمتی یابلد

تتهد من عزمی الجبال

جوا یا حلم بیتولد

غیری یقول علیه محال

بایمانئ طالع للسحاب

وحفرت بإرادتی القنال

واقف على صخر التحدى

بالكلها باللقمة الحلال

بيمينى ماسك مصحفى

وعلمى فى ايدى الشمال

نفسى هفتنى لقصيدة

قولت اشوح كلمتين

جبت بصله وزيت وبيضه

وعملت عجه بقفيتين

لما الفهارس استوت

ريحتها فاحت م الغلاف

كل المعانى اتبدلت

قلمى الجرى بطل يخاف

قيدوا الشموع ف الصلاة

بلاش تقيموا حداد

ملايكة فوق فى السما

بتنادى ع اللى ولاد

فرح الشهيد اتنصب واتعلق الزينه

حتى الكتاب اكتب

والحور فى وسطينا

نعم الشرف والنسب

ف الجنه شمع ايتقاد



تزرع تطلع تنزل تطلع

لو تتكلم مين راح يسمع

لوحسيت انك متضايق

او حتى مزاجك مش رايق

لو متساق هنشوفك سايق

مهما تدفى الميه هتسقع

سمعنا ياعواد لحن للناس الغلابة

غنى ولف بلاد احنا فى زمن الديابة

غنى لضى القمر رقص ورق الشجر

الحن المنتظر غنى ومتعنا يابا

شد حيلك ياوطن احنا معاك

تملى ندعى ربنا يسدد خطاك

مهما ايدين الغدر راح تقف قصادنا

ترخص دمانا وارواحنا فداك

النجمة قالت للقمر بنصبح وبنمسي

ما تسيبني اغنى يا قمر غنيوة من نفسي

بص القمر قال لها حبيبتي مين زيها

فنانة من صغرها تحية لامل منسي

حب البلد مش مجرد كلمة وحكاية

او صوت بينشد غنوة ف رواية

حب البلد بيسرى فى حشايا

شيفاه عيون كان حلمها غاية

حب البلد مزروع جوايا

انا مصرى طول عمرى

مرفوع الراس والراية

ياجندي واقف ع الحدود

عبي سلاحك بالبارود

رجع لنا حق الشهيد

من غير محاكم او شهود

انا شاعر بحب الناس

بُحِبُّ الناس انا شاعر

وحتى لو مانيش شاعر

بحب الناس هكون

شوعير كنت او اشعور

حتى لو اكون مغمور

تحس بنبضى جوه سطور

تقول يمكن يكون شاعر

دور ع الاصيل وخبط على بابيه

افرد شراع الود على بحر احبابه

وابعد عن الاندال انسى صحبتهم

صدق المثل الملى قال

عتاب الندل اجتنابه



ذنبك على جنبك اصل انت تستاهل

نخر الشيطان عقلك انت اللى تستاهل

تعتبنا ليه بجهلك يا عايشها بالساهل

ملعون جدود اهلك ياللى انت تستاهل

صباح الخير على البنا

اللى قام الصبح وبنها

وحط طوبة على طوبة

وخلطة مونه علاها

صباح الخير على العامل وع الفلاح

شايلى فاسه على كتافه كانه سلاح

بشاير خير اكيد جايه وعبير فواح

صباح الخير على العامل وع الفلاح

قررت اقاطع لستفزاز

واقعد وحدی ف اوضه ازاز

قررت اقاطع تفاهتکم م

ن یوم ما الجهل سکن بیتکم

کان نفسی ادخل فی عقولکم

واتفاجئ واشوف انجاز

يامذوقين الحروف حرف الوجع موجوع

نبض الضمير اختفى صوته ماعاد مسموع

يامغروزين في الطين هيفيد بايه القول

ماعاد يفيد الندم ولا عوم في بحر دموع

فاسد وتفسد بلد مین عینک قوللی

شافک شریف اتحسر بقی دمه متدلی

ضربت کف بکف وصرخت باعلی صوت

علی رای معنی المثل یعطی الحلق للی

ياصمت ابلغ م الكلام للرجال تعظيم سلام

رجالہ شغاله بضمير

وقت العمل جاهزين تمام

الهدمة غرقانه ف عرقهم

الانتماء ده كان شعارهم

والايمان ساكن ديارهم

وانتوا فى بيتكم نيام

رامى حمولى على اللى

فى طرفة عين يعدلها

ولو سنين الشقى طالت

مش هعد لها

هعبر بحورها هعافر

بلهفه وشوق هعدى لها

ماسك فى حبل الامل

بضوافرى ومتبت

ما خلاص فهمت الحكاية

اخرها زى اولها



یا ۳۰۰ مرحبا یا شهر روحانی

یا ذکرى متسرربه عایشة فى وجدانى

نفحاتك المبهرة یاسمین وریحانی

برکاته طول السنه وتجلی ربانى

بيقولوا العيد التلات وهو يوم لربع

ديوم وفيه حسنات للمسلمين انفع

والله هتوحشنا ده كان مجمعا

نفحات توصلنا يوم الحساب تجمع

ياسكنه قلبى من جوة

يا عشقانى على سهوه

بحبك من زمان وانتى

ماشوفتش فيكى غير قسوة

عشقتك عشق ربانی

یاساکنه کل وجدانی

سکاتك فی الغیاب نجوی

عشت وعاشت حروفك

ياشاعر الوادي

ياالي كلامك غني بيحسها فؤادي

كل الكلام يتقال بسمعه عادي

الا جمال كلمتك ياعمنا الهادي

الشكر ليك موصول

يا عندلب الادب

ياللى لسان القول

يروى عيدان القصب

تحية لابن الاصول ياللى كلامك عجب

خلصت كل الكلام

ما عاد كلام يتقال

نبض الحروف تعشقك

وتغنى فيك موال

وحياة حبيبي النبي

من قلبي بكتبك

لو كان بايدي قرار

عبك على كستور بيع مانى فاتوره

ياكاشف المستور يامبين الصورة

قاصص كلام وحروف ومتبت الرفة

وسراجة الخياط فى التانية مكسوره



عصفوری غرد فوق غرفتی وندانی

وقال شعرا موجعا ابکانی

ادرکت حدثا ایقظ وجدانی

خبرا حزینا هز کل کیانی

سالت نفسی ماذا دهانی

صبرا جمیلا یاعظیم الشان

ما کنت اعلم ان کل شیء فان

طول عمرى شايلك فوق دماغى من فوق

ومغربل حصى امسى بتمنى بكره يروق

عشانها دوقت المر ولا شوفت يوم بيسر

اسف ياوطنى الحر طالب حق اللجوء

ليه يادنيا القسوة فيكى صبحت جبال

والحنان والعطف اصبح شئ محال

مش لاقى حزن يضمنى وليلى طال

طول عمرى عايش بالرضا

وف عقلى ١٠٠ مليون سؤال

بحبك علولة بطعم الفراولة

والمانجه العويسى

وبعد المداولة بدور عليكى

لقيتك فى قلبى

وف شارع فاروق

وشبين الرئيسى

هيصوله سقفوله الى

متعاقب بطوله

طول مانفاق ونمدح

هنلاقيه بيهز ديله

نور اضاء على المدى

والفجر اصبح سرمدا

ذكرى ميلاد المصطفى

وجه السماء توردا

والجزع صلى وانحنى

والطير بات مغردا

شمس الهداية اشرقت

فالعاصي بات موحدًا

نيران كسرى اخمدت

شرفًا بمولد احمدا

النجم لالا وانتشى

الفخر فيه تجسدا

صلوا على خير الورى

مسك الختام محمدا

طعنات الماضي تمزقني

وانين الحاضر يقتلني

همسات حنين اسمعها

واحس بنبض يسألني

اتراه نعيما اعشقه

ام كان جحيما يعشقني



ياشعب تعبان م السفر

مطحون بيركب بالنفر

عائش حياته اورديحي

ينام ويحلم بالزفر

فين الشهامه يابلد

صلب الرجولة بيتجدد

لا اخ نافع او ولد

اخلاصه ذنب ما يغتفر

ياشعب عايش والسلام

ميكيفوش غير الكلام

قاعد يعمر الطاسه

وقبل مايجي الليل ينام

مظلوم وشايف نفسه ظالم

غرقان بيحلم انه عايم

فيه شعب فى الدنيا يا عالم

يتفائل بشخه حمام

ياشعب عايش بالطابور

حتى اسالوا قلم المرور

العيش مقصر ع الدوام

وكمان مريض مستنى دور

يصحى يبخر كل يوم

قال ايه عشان ينسى الهموم

احلامه ليه غربان وبوم

وحكم ظلم وشهادة زور

مخلص وطبعه جميل

بيقولى شد الحيل

ما تلمشى ع الدنيا

لو حتى ملت ميل

أصلك ده وسمارك

مروى بمية نيل

شايلى على قدك

يا عم حمل شيل

حظك أنا عارفه

ف الدنيا ناقص كيل

إنت اصيل يا احمد

يا ابن الزناتى خليل

كل عام وانتوا فى سعادة

كل يوم وانتوا فى هنا

بكرة الحياه سكر زيادة

وكل الامانى ممكنه

كل عام وانتم فى فرحه

ايماننا شجرة حب طرحه

فى السما احلامنا سارحه

وقلوبنا بالخير مؤمنه

كل عام انتم حبايب  
متجمعين اهل وقرايب  
العزول مهزوم وخايب  
ارواحنا طير مطمئه  
كل عام وانتم معانا  
نجمه بتضوى فى سمانا  
للسعادة تسير خطانا  
للامان انتوا وانا

اللہ علیک اللہ یا صاحب الفکرہ  
شریانہ نبض حیاہ رجع امل بکرہ  
وبرغم قولة اه لجرح كان ذکرى  
احلام شباب موهوب  
ما بین شروق وغروب  
الفن جوه قلوب بتحن للعشرہ

بايمان وعزم اكيد المعجزه حصلت  
رسالتك من حديد للمسؤولين وصلت  
فنان كمان انسان اتحدي كل جبان  
ومعاك اخوك حسان ارواحنا اهي اتصلت



يا ضمير مقطوع الحراره  
وعيون بتبكي وبمراره  
احلام بتتشعبط في مركب  
ووهم مزنوق في الاشاره  
حني علي ولادك شويه  
ليه حنانك فيه اسيه  
خلي عينك يوم عليا  
شاوري وريني اماره

من سنين مستتي اعدي

بس مافي شئ بيدي

الخواجه والافندي

باعو ارضي وخانو عرضي

مباقاش محاسبه في البلد دي

غير في مدرسه التجاره

اليه زفه وهليه  
كوشه وعروسه وطرحه  
وزكريات نفحه جميله  
فانوس منور مع سبحه  
نور القران في نهار رمضان  
ومسحراتي يقول اصحي  
اجمل تسابيح وبساط الريح  
وصلاة تراويح بهجه وفرحه

وبصوم رمضان الخير هيبان  
ومعاها كمان نفرح بآدان  
ونصلي عشان نرضي الرحمن  
وذكاتنا شجرة خير طرحه

كنت فاكرها بتاعتي لوحدي

طلعت شرك وورث مشاع

كتبت رساله لابويا وجدي

كان مضمونها الورث اتباع

قالوا عليا بعوم ع العومه

وجابولي اوراق ملكيه

اوراق ممضيه ومختومه

بشعار الاسره الملكية

طيب لوكانت بتاعتكم

ليه سكتوا عليها المده دي  
يعني ولادنا ماتو عشانكم  
وحياتهم راحت ع الفاضي

اخرتها ايه يا معذبانا  
اخرتها ايه يامغلبانا  
اخرتها ايه يا مدوبانا  
عاشين حزانه طول السنين  
ابوس اديكي انا روي فيكي  
تداوي جرح المجروحين  
يا ام القلوب الطيبين  
حني علينا وطبطني  
بلاش تغيبني وتهربي  
رجعي لينا الحنين  
يا ام القلوب الطيبين

وبغني علي صوت السواقي  
وبحضن الارض الشراقي  
وبسبق النسمه الي طله من بعيد  
ترجع العمر الي باقي  
بنادي ع الفجر الجديد  
علي فرحه النيل السعيد  
وبعشق الامل الوليد  
شريان بيسري ف الوريد  
وكل يوم زفه شهيد  
من اسماعيليه لبورسعيد



انا مخالف عشان شايف  
بعيني الجهل متغلغل ومالي عقول  
طيب قلبي فهمني مين المسئول  
تملي أقول عليك جاهل يقولوا جهول  
تنام تحلم باوهامك  
وتصحي الصبح تاكل فول  
ومين مسئول  
يكونش عشان كالون عقلك صبح مقفول  
ولا عشان بطين قلبك بيتكيف  
عايز ترامادول  
يا صوت الحق فهمني  
ليه القاتل صبح مقتول

انا شاعر وببدي القول  
وعن معني الكلام مسؤل  
وبكتب كلمتي بذهمه  
بيفهمها اللي مش مسطول  
بلم مبادئي في مشنه  
وبفرش بيها جوا السوق  
بنادي ع الضمير يرجع  
بلاقي الندل باصص فوق  
قصايدي ملغمه بديناميت  
نويت افجرها ف ديوان  
سحبت فتيلة القافيه  
كتبت شهيد علي العنوان

ن

جميع حقوق النشر الورقي والألكتروني محفوظة للناسر

